

N^o. XXXIX.

(*Ad paginam 231.*)

Lettre du Prince d'Orange aux Etats-Généraux.

Brief van den Prins van Oranje aan de Staten-Generaal.

(*Ex imagine sive copia illius aetatis.*)

MESSIEURS!

J'ay receu vostre lettre avecq l'instruction y joincte, laquelle vous avez donné à voz deputez vers Don Jehan d'Austrice, sur laquelle je ne puis obmettre de vous remercier bien affectueusement de ce que ainsy particulierement me faites part de ce qui se passe par delà. Et neantmoins comme semble à mon advis, que en ladicte instruction y avoit quelques poinctz de grande importance et mesmes qui portent prejudice aux privileges et libertez des Pays, tant es provinces de pardelà, comme à nous aultres de pardecha et à toute la posterité, laquelle tirera indubitablement toutes les actions du temps present en exemple et consequence: j'ay advisé ne vous en faire à present long discours, puisque par ladicte lettre vous m'escripvez avoir deputedé quelques ungs qui de brief se trouveront pardecha, ains me remectre à leur venue, pour par eulx estre plus particulierement informé de vostre intention et leur discouvrir plus amplement de mon advis sur lesdictz poinctz, comme je parleray avecq eulx aussy touchant

(557)

l'autre poinct d'envoyer nos deputez pardelà. Et n'allant la presente à aultre effect, je la finiray par mes bien affectueuses recommandations à vostre bonne grace, priant Dieu vous donner Messieurs, en santé, très heureuze vie et longue.

Esript à Harlem le VII^e de Mai 1577.

Vostre très affectionné amy et patriot à vous
faire service ,

GUILLE DE NASSAU.

X x x 3